

« [p. 177] Cest ce que maistre Guillaume de Saint Germain procureur du Roy notre sire en parlement tient dudit monseigneur labbé en foy et hommage cest assavoir un fié qui fu a feu Regnault Chapperon de Trambly contenant ce qui sui premierement une maison contenant un arpent ou environ maison et mesure comme elle se comporte entre les bornes tenant dune part a Oudin Haubart et aux hoirs Girrat Maunoury dautre part. Item un arriere fié que souloit tenir Jehan Cueur de Dampmartin en fié une mesure seant a Trambly tenant dune part aux hoirs dudit feu Regnault et aux enfans Pierre Dune dautre part et quatre deniers parisis de cens par an deuz aus huitaines saint Denis sur III arpens de terre tenant a la viez platriere que souloit tenir la femme feu Guillaume Bricot. Item deux deniers de chef cens par an aus huitaines Saint Denis sur deux arpens de terre tenant a la viez platriere dessus nommez Jehan Nollant souloit tenir deux arpens et les enfans Philippot Ribout demi arpens et Marion la Chachette demi arpent et Jehan Marin demi arpent. »